

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-766/07
Sarajevo, 18.09.2007. godine

Z A P I S N I K

6. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 18. septembra 2007. godine

Sjednica je počela u 10.24.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, potpredsjednike Federacije Bosne i Hercegovine Spomenku Mičić i Mirsada Kebu, premijera Nedžada Brankovića, zamjenika premijera Vjekoslava Bevandu, ministre u Vladi Federacije Bosne i Hercegovine, predstavnike Saveza invalida Bosne i Hercegovine, boračkih organizacija, nevladinih organizacija, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak su opravdali Zijad Tvica i Edina Papo.

Na osnovu evidencije Stručne službe, predsjedavajući je konstatovao da sjednici prisustvuje 47 delegata, što čini većinu, te Dom naroda može raditi i punovažno odlučivati.

Prije prelaska na rad delegati su usvojili Zapisnik 4. sjednice Doma naroda Parlamenta Federacije Bosne i Hercegovine, održane 14. juna i 12. jula 2007. godine.

Na Zapisnik 5. sjednice Doma naroda Parlamenta Federacije Bosne i Hercegovine, održane 26. jula 2007. godine, primjedbu je dao, ispred Kluba delegata hrvatskog naroda, Josip Perić, predsjednik Kluba.

Primjedba se odnosi na stranicu 20. Zapisnika, tj. na glasanje po klubovima naroda o Prijedlogu zakona o Javnom servisu Radio-televizije Federacije Bosne i Hercegovine koje je tehničkom omaškom izostavljeno.

U Zapisniku treba pisati:

"Nakon toga prešlo se na glasanje o Prijedlogu Zakona o Javnom servisu Radio-televizije Federacije Bosne i Hercegovine po klubovima naroda.

Prvo su glasali delegati Kluba bošnjačkog naroda. Prijedlog Zakona dobio je potrebnu većinu glasova jer je za njega glasalo 16 delegata.

Nakon toga glasali su delegati Kluba hrvatskog naroda. Prijedlog Zakona nije dobio potrebnu većinu glasova jer za njega nije niko glasao, 12 delegata je bilo protiv a dva delegata su bila uzdržana.

Zatim su glasali delegati Kluba srpskog naroda. Prijedlog Zakona nije dobio potrebnu većinu glasova jer je za njega glasalo šest delegata, jedan delegat je bio protiv a šest delegata je bilo uzdržano."

Delegati su uz ovu primjedbu usvojili Zapisnik 5. sjednice Doma naroda Parlamenta Federacije Bosne i Hercegovine, održane 26. jula 2007. godine.

Nakon toga predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja, pokretati inicijative ili izraziti nezadovoljstvo dobijenim odgovorom.

Delegatska pitanja i inicijative

Dženana Zlatar je postavila pitanje Federalnom ministarstvu rada i socijalne politike u vezi sa donošenjem rješenja o naknadi za pomoć i njegu od druge osobe.

Saša Magazinović je postavio četiri pitanja i pokrenuo dvije inicijative.

Prvo pitanje je postavio Melihi Alić, federalnoj ministrici obrazovanja i nauke, šta je Vlada poduzela u vezi sa postojanjem "dviju škola pod istim krovom".

Drugo pitanje je uputio Federalnom ministarstvu pravde - koja je sankcija za one koji krše datu delegatsku zakletvu.

Treće i četvrto pitanje se odnosi na to koliko je direktora škola koji su nebošnjaci u Sarajevu, Tuzli i Bihaću, kao i koliko je direktora koji su Bošnjaci i Srbi u onim sredinama koje politički kontrolišu oba HDZ-a.

Pokrenuo je inicijativu prema Vladi Federacije u vezi sa uvidom u stanje državnih graničnih prijelaza na teritoriji Federacije.

Druga inicijativa se odnosi na sazivanje vanredne sjednice Doma naroda ili zajedničke sjednice oba doma na kojoj bi se raspravljalo o obrazovanju.

Federalna ministrica obrazovanja i nauke Meliha Alić je podržala inicijativu da se održi sjednica oba doma Parlamenta na ovu temu. Premijer Nedžad Branković je, također, podržao ovu inicijativu kao i **Ivo Komšić**, s tim da se u raspravu uključe i nastavni planovi koji se provode u školama.

Josip Perić je postavio pitanje Vladi Federacije - šta znače "kombinirani razredi".

Elvira Abdić-Jelenović je izrazila nezadovoljstvo dobijenim odgovorom na pitanje koje je uputila Fondaciji za održivi razvoj i Agenciji za privatizaciju. Postavila je pitanje Vladi Federacije u vezi sa stanjem u „Agrokomercu“ i rješavanjem postojećih problema.

Kenan Keserović je uputio pitanje Federalnom ministarstvu zdravstva u vezi sa donošenjem podzakonskih akata u skladu sa članom 16. Zakona o zaštiti od nasilja u porodici.

Muharem Serbezovski je postavio dva pitanja.

Prvo pitanje se odnosi na rekonstrukciju puta za Neum preko Svitave.

Drugo pitanje se odnosi na pružanje zdravstvenih usluga za građane Federacije Bosne i Hercegovine u Neumu za vrijeme godišnjih odmora.

Asim Mekić je pokrenuo inicijativu prema Vladi Federacije da se formira agencija za izradu zajedničkog jezgra za nastavni plan i program.

Mislav Sučić je postavio dva pitanja.

Prvo pitanje je uputio Vladi Federacije a vezano je za obrađivanje 400.000 hektara neobrađene zemlje.

Drugo pitanje je postavio Federalnom ministarstvu poljoprivrede, vodoprivrede i šumarstva u vezi sa poticajem farmerskog uzgoja ovaca i koza.

Drago Puzigaća je uputio pitanje Federalnom ministarstvu poljoprivrede, vodoprivrede i šumarstva u vezi sa sprečavanjem nekontrolirane sječe šume na izvorištima rijeka i potoka na području Jedovnika, koje pripadaju općinama Drvar i Bosansko Grahovo.

Svetozar Pudarić je dao prijedlog za davanje autentičnog tumačenja člana 19. Zakona o državnoj službi u Federaciji Bosne i Hercegovine, koji se odnosi na nespojivost sa dužnostima državnog službenika.

Besim Imamović je postavio dva pitanja Vladi Federacije. Prvo pitanje se odnosi na to da li Vlada ima strategiju i konkretne kontinuirane operativne planove za suzbijanje rada na crno.

Drugo pitanje se odnosi na uspostavu jedinstvenog informacionog sistema vezano za oblast suzbijanja rada na crno.

Na ovo pitanje odgovorio je premijer Nedžad Branković i izjavio da Vlada Federacije već radi na formiranju institucije koja će raditi na formiranju jedinstvene baze podataka vezano za rad na crno.

Nakon postavljenih delegatskih pitanja i pokrenutih inicijativa prešlo se na utvrđivanje dnevnog reda.

Vlada Federacije Bosne i Hercegovine je dostavila Prijedlog Izmjena i dopuna Budžeta Federacije BiH za 2007. godinu i tri prijedloga zakona, s prijedlogom da se razmatraju po hitnom postupku.

Predsjedavajući je pozvao delegate da se o ovome izjasne i konstatovao slijedeće:

- delegati su, sa 40 glasova za, uz jedan glas protiv i uz jedan uzdržani glas, prihvatili da se Prijedlog Izmjena i dopuna Budžeta Federacije BiH za 2007. godinu razmatra po hitnom postupku,

- delegati su, sa 42 glasa za i uz jedan uzdržani glas, prihvatili da se Prijedlog Zakona o preuzimanju prava i obaveza osnivača nad ustanovama socijalne zaštite u Federaciji Bosne i Hercegovine razmatra po hitnom postupku.

Prijedlog Zakona o izmjenama i dopunama Zakona o radu i Prijedlog Zakona o kontroli privatizacije Vlada Federacije je, također, dostavila s prijedlogom da se razmatraju po hitnom postupku.

S obzirom na to da je Predstavnički dom Parlamenta Federacije Bosne i Hercegovine na nastavku 4. sjednice, održane 11. septembra 2007. godine, odlučio da ih razmatra u formi nacrt, Kolegij Doma naroda je predložio da ih i Domu naroda, također, razmatra u formi nacrt, što su delegati i prihvatili.

Predsjedavajući je obavijestio delegate da je Prijedlog Zakona o finansiranju političkih stranaka Federacije Bosne i Hercegovine čiji je predlagač Muhamed Moranjkić, zastupnik u Predstavničkom domu, dostavljen sa prijedlogom da se razmatra po hitnom postupku.

S obzirom na to da je izražena sumnja u rezultate glasanja, glasanje je ponovljeno poimeničnim prozivanjem, koje je obavio Izmir Hadžiavdzić, sekretar Doma naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 31 glasom za, uz četiri glasa protiv i uz deset uzdržanih glasova, prihvatio da se Prijedlog Zakona o finansiranju političkih stranaka Federacije Bosne i Hercegovine razmatra po hitnom postupku.

Predsjedavajući je obavijestio delegate da je Prijedlog Zakona o izmjenama i dopunama Zakona o privrednim društvima čiji je predlagač Asim Mekić, delegat u Domu naroda, dostavljen sa prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 44 glasa za i uz jedan glas protiv, prihvatio da se Prijedlog Zakona o izmjenama i dopunama Zakona o privrednim društvima razmatra po skraćenom postupku.

Predsjedavajući je podsjetio delegate da je Predstavnički dom imenovao članove u Zajedničku komisiju za usaglašavanje različito izglasanih tekstova zakona u oba doma Parlamenta Federacije Bosne i Hercegovine, te da je potrebno da i Dom naroda imenuje članove u ovu Komisiju.

Također, podsjetio je da je potrebno donijeti odluku o izboru članova u Zajedničku komisiju oba doma Parlamenta Federacije Bosne i Hercegovine za provođenje cjelokupne procedure izbora likovnog rješenja obilježja-znamenja Federacije Bosne i Hercegovine, što su delegati i prihvatili.

Potom je predsjedavajući dao na glasanje dnevni red u cjelini.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 47 glasova, usvojio sljedeći:

DNEVNI RED

1. Prijedlog Izmjena i dopuna Budžeta Federacije Bosne i Hercegovine za 2007. godinu – hitni postupak;
2. Prijedlog Zakona o preuzimanju prava i obaveza osnivača nad ustanovama socijalne zaštite u Federaciji Bosne i Hercegovine – hitni postupak;
3. Prijedlog Zakona o finansiranju političkih stranaka Federacije Bosne i Hercegovine (predlagač: Muhamed Moranjkić, zastupnik u Predstavničkom domu) – hitni postupak;
4. Prijedlog Zakona o izmjenama i dopunama Zakona o privrednim društvima (predlagač: Asim Mekić, delegat u Domu naroda) – skraćeni postupak;
5. Nacrt Zakona o izmjenama i dopunama Zakona o radu;
6. Nacrt Zakona o kontroli privatizacije;
7. a) Odluka o imenovanju članova u Zajedničku komisiju za usaglašavanje različito izglasanih tekstova zakona u oba doma Parlamenta Federacije Bosne i Hercegovine,
b) Prijedlog Odluke o izboru članova u Zajedničku komisiju oba doma Parlamenta Federacije Bosne i Hercegovine za provedbu cjelokupne procedure izbora likovnog rješenja obilježja-znamenja Federacije Bosne i Hercegovine;
8. Izvještaj o radu Agencije za bankarstvo Federacije Bosne i Hercegovine i Informacija o bankarskom sistemu Federacije Bosne i Hercegovine (stanje 31.12. 2006. godine);
9. Prijedlog Odluke o prestanku mandata delegatu u Domu naroda Parlamenta Federacije Bosne i Hercegovine.

1. Prijedlog Izmjena i dopuna Budžeta Federacije Bosne i Hercegovine za 2007. godinu

Prijedlog Izmjena i dopuna Budžeta Federacije Bosne i Hercegovine za 2007. godinu utvrdila je Vlada Federacije.

Predstavnički dom je na 8. vanrednoj sjednici, održanoj 14. septembra 2007. godine, usvojio Prijedlog Izmjena i dopuna Budžeta Federacije Bosne i Hercegovine za 2007. godinu sa devet amandmana koje je Vlada prihvatila pa su postali sastavni dio Prijedloga Izmjena i dopuna Budžeta Federacije Bosne i Hercegovine za 2007. godinu i tri amandmana koje Vlada nije prihvatila, ali ih je Predstavnički dom izglasao.

Na Prijedlog Izmjena i dopuna Budžeta Federacije Bosne i Hercegovine za 2007. godinu amandmane su podnijeli: Klub delegata hrvatskog naroda dva amandmana, Elvira Abdić-Jelenović i Kenan Keserović tri amandmana, Tomo Vidović četiri amandmana, Drago Puzigaća jedan amandman, Lidija Bradara tri amandmana, Radoje Vidović

dva amandmana, Anto Bilić jedan amandman, Svetozar Pudarić dva amandmana i Alija Begović jedan amandman.

Potom je Prijedlog Izmjena i dopuna Budžeta obrazložio premijer Nedžad Branković i zamolio delegate da usvoje Prijedlog Izmjena i dopuna Budžeta Federacije Bosne i Hercegovine za 2007. godinu u tekstu kako ga je usvojio Predstavnički dom.

Izveštaje radnih tijela su obrazložili: Fahrudin Skopljak ispred Odbora za boračka i invalidska pitanja, rad, zdravstvenu i socijalnu zaštitu, Zoran Budimić ispred Odbora za poljoprivredu, vodoprivredu i šumarstvo, Vanja Bročeta ispred Odbora za ekonomsku i razvojnu politiku, finansije i budžet i Odbora za privredu i Anto Bilić ispred Odbora za obrazovanje, nauku, kulturu i sport i pitanja mladih.

U raspravi su učestvovali: predsjednica Kluba delegata srpskog naroda Mira Ljubijankić, predsjednik Kluba delegata bošnjačkog naroda Jasenko Tufekčić, predsjednik Kluba delegata hrvatskog naroda Josip Perić, premijer Nedžad Branković, Drago Puzigaća, Besim Imamović, Svetozar Pudarić, ministar finansija Vjekoslav Bevanda, Tomo Vidović, Mislav Sučić, Muhamed Osmić, Alija Begović, Ivan Jurčević ispred Udruge umirovljenika demobiliziranih branitelja HVO-a, Mehmed Šišić ispred Saveza demobiliziranih branitelja i Zijad Arapčić ispred Saveza invalida.

Nakon toga je predsjedavajući dao pauzu kako bi klubovi delegata zauzeli stavove o predloženim amandmanima.

Nakon pauze, predstavnici klubova delegata hrvatskog i srpskog naroda povukli su predložene amandmane.

Također, amandmane su povukli Elvira Abdić-Jelenović i Kenan Keserović, Drago Puzigaća, Lidija Bradara a Tomo Vidović je povukao četvrti amandman.

Nakon toga se prešlo na izjašnjavanje o amandmanima.

Pošto Tomo Vidović nije odustao od predložena tri amandmana predsjedavajući ih je dao na glasanje.

Amandman I nije dobio potrebnu većinu glasova jer je za njega glasalo 15 delegata, 20 delegata je bilo uzdržano a 14 delegata je bilo protiv.

Amandman II nije dobio potrebnu većinu glasova jer je za njega glasalo 17 delegata a 12 delegata je bilo protiv.

Amandman III nije dobio potrebnu većinu glasova jer je za njega glasalo 16 delegata.

S obzirom na to da Svetozar Pudarić nije odustao od predložena dva amandmana predsjedavajući ih je dao na glasanje.

Amandman I nije dobio potrebnu većinu glasova jer je za njega glasalo 19 delegata.

Amandman II nije dobio potrebnu većinu glasova jer je za njega glasalo 17 delegata.

Nakon toga Dom naroda se izjašnjavao o amandmanima koje je Predstavnički dom izglasao, ali ih Vlada Federacije nije prihvatila.

Amandman I, koji se odnosi na uvođenje novog ekonomskog koda u iznosu od 1.000.000 KM, jednoglasno je usvojen.

Amandman II, koji se odnosi na ekonomski kod 600 000, prihvaćen je većinom glasova, jer je za njega glasalo 46 delegata a pet delegata je bilo uzdržano.

Amandman III, koji se odnosi na ekonomski kod 614 300, prihvaćen je većinom glasova, jer je za njega glasalo 47 delegata a četiri delegata su bila uzdržana.

Nakon toga predsjedavajući je dao na glasanje Prijedlog Izmjena i dopuna Budžeta Federacije Bosne i Hercegovine za 2007. godinu.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 44 glasa za, uz četiri glasa protiv i uz četiri uzdržana glasa, usvojio Prijedlog Izmjena i dopuna Budžeta Federacije Bosne i Hercegovine za 2007. godinu.

2. Prijedlog Zakona o preuzimanju prava i obaveza osnivača nad ustanovama socijalne zaštite u Federaciji Bosne i Hercegovine

Prijedlog Zakona utvrdila je Vlada Federacije.

Predstavnički dom Parlamenta Federacije Bosne i Hercegovine je na nastavku 4. sjednice, održane 05. septembra 2007. godine, usvojio Prijedlog Zakona o preuzimanju prava i obaveza osnivača nad ustanovama socijalne zaštite u Federaciji Bosne i Hercegovine sa četiri amandmana koje je Vlada Federacije prihvatila i tri amandmana koje Vlada nije prihvatila, ali ih je Predstavnički dom izglasao.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je federalni ministar rada i socijalne politike Perica Jelečević.

U pretresu su učestvovali: Tomo Vidović, Saša Magazinović, Lidija Bradara, potpredsjednica Federacije Bosne i Hercegovine Spomenka Mičić, Svetozar Pudarić, Muharem Serbezovski, Zoran Budimić, Ivo Komšić, Asim Mekić, Anto Bilić, Igor Rajner, Miro Lazović i Jasenko Tufekčić.

Nakon toga Dom naroda se izjašnjavao o amandmanima koje je Predstavnički dom izglasao, ali ih Vlada Federacije nije prihvatila.

Amandman I, koji se odnosi na član 1. stav 1., nije prihvaćen jer nije dobio potrebnu većinu glasova.

Amandman II, koji se odnosi na član 4., nije prihvaćen jer nije dobio potrebnu većinu glasova.

Amandman III, koji se odnosi na član 5., nije prihvaćen jer nije dobio potrebnu većinu glasova.

Nakon toga predsjedavajući je dao na glasanje Prijedlog Zakona o preuzimanju prava i obaveza osnivača nad ustanovama socijalne zaštite u Federaciji Bosne i Hercegovine.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 43 glasa za i uz dva uzdržana glasa, usvojio Prijedlog Zakona o preuzimanju prava i obaveza osnivača nad ustanovama socijalne zaštite u Federaciji Bosne i Hercegovine.

3. Prijedlog Zakona o finansiranju političkih stranaka Federacije Bosne i Hercegovine (predlagač: Muhamed Moranjkić, zastupnik u Predstavničkom domu)

Predstavnički dom Parlamenta Federacije Bosne i Hercegovine je na nastavku 4. sjednice, održane 04. septembra 2007. godine, usvojio Prijedlog Zakona o finansiranju političkih stranaka Federacije Bosne i Hercegovine sa tri amandmana koje je predlagač prihvatilo pa su postali sastavni dio Zakona.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Muhamed Moranjkić, zastupnik u Predstavničkom domu Parlamenta Federacije Bosne i Hercegovine.

U pretresu su učestvovali: Besim Imamović, Alija Begović, Jasenko Tufekčić, predsjednik Kluba delegata bošnjačkog naroda, Miro Lazović, Pero Jukić Pop, Mirsad Pindžo, Asim Kamber, Alija Begović, Igor Rajner, Svetozar Pudarić, Muhamed Moranjkić, Bojan Bošnjak, Željko Asić i Besim Spahić.

Predlagač Zakona predložio je da se izjašnjavanje o Prijedlogu Zakona odgodi, što je predsjedavajući Besim Imamović, koji je u međuvremenu preuzeo rukovođenje sjednicom, prihvatio i dao na glasanje.

S obzirom na to da je izražena sumnja u rezultate glasanja, glasanje je ponovljeno poimeničnim prozivanjem, koje je obavio Izmir Hadžić, sekretar Doma naroda.

Prijedlog nije usvojen jer nije dobio potrebnu većinu glasova.

Nakon toga predsjedavajući je dao Prijedlog Zakona na glasanje.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije usvojio Prijedlog Zakona o finansiranju političkih stranaka Federacije Bosne i Hercegovine jer je za njega glasalo 17 delegata, 18 delegata je bilo protiv a devet delegata je bilo uzdržano.

4. Prijedlog Zakona o izmjenama i dopunama Zakona o privrednim društvima (predlagač: Asim Mekić, delegat u Domu naroda)

Predstavnički dom Parlamenta Federacije Bosne i Hercegovine je na nastavku 3. sjednice, održane 04. jula 2007. godine, usvojio Prijedlog Zakona o izmjenama i dopunama Zakona o privrednim društvima sa amandmanom koji je predlagač prihvatio pa je postao sastavni dio Prijedloga Zakona, a koji glasi:

„U članu 1. u stavu 1. datum: "31.12.2007." zamjenjuje se datumom: "30.06.2008.".“

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Asim Mekić, predlagač Zakona, i predložio amandman, koji je postao sastavni dio Prijedloga Zakona.

Amandman

U članu 1. dodaje se novi stav koji glasi:

"Privredna društva koja do datuma iz stava 1. ne izvrše preregistraciju automatski se brišu iz sudskog registra."

U pretresu je učestvovao Drago Puzigaća.

Nakon toga predsjedavajući je Prijedlog Zakona dao na glasanje.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 40 glasova za i uz jedan uzdržani glas, usvojio Prijedlog Zakona o izmjenama i dopunama Zakona o privrednim društvima.

Budući da je Prijedlog Zakona usvojen u različitom tekstu u oba doma Parlamenta Federacije Bosne i Hercegovine **potrebno ga je usaglasiti.**

5. Nacrt Zakona o izmjenama i dopunama Zakona o radu

Zakon je Vlada Federacije dostavila u formi prijedloga Zakona, ali je u prethodnom postupku odlučeno da se razmatra u formi nacrta.

Predstavnički dom Parlamenta Federacije Bosne i Hercegovine je na nastavku 4. sjednice, održane 11. septembra 2007. godine, razmatrao Zakon u formi nacrta i Zaključkom ga prihvatio.

Zakon u formi prijedloga razmatrala su nadležna radna tijela i dostavila svoje izvještaje.

U pretresu nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za i uz dva uzdržana glasa, usvojio sljedeći:

ZAKLJUČAK

Doma naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o radu i smatra da može poslužiti kao osnova za izradu prijedloga Zakona.

6. Nacrt Zakona o kontroli privatizacije

Zakon je Vlada Federacije dostavila u formi prijedloga, ali je u prethodnom postupku odlučeno da se razmatra u formi nacрта.

Predstavnički dom Parlamenta Federacije Bosne i Hercegovine je na nastavku 4. sjednice, održane 11. septembra 2007. godine, razmatrao Zakon u formi nacрта i Zaključkom ga prihvatio.

Izveštaje radnih tijela obrazložili su: Alija Begović ispred Odbora za privatizaciju i denacionalizaciju i Vanja Broćeta ispred Odbora za ekonomsku i razvojnu politiku, finansije i budžet i Odbora za privredu.

U pretresu su učestvovali: Igor Rajner, Elvira Abdić-Jelenović, Besim Imamović, Svetozar Pudarić, Sead Čaušević, Drago Puzigaća, Tomo Vidović, Vahid Hećo, federalni ministar energije, rudarstva i industrije.

S obzirom na to da je izražena sumnja u rezultate glasanja, glasanje je ponovljeno poimeničnim prozivanjem, koje je obavio sekretar Doma naroda.

Na osnovu rezultata poimeničnog glasanja, predsjedavajući je konstatovao da Dom naroda Parlamenta Federacije Bosne i Hercegovine nije usvojio Nacrt Zakona o kontroli privatizacije jer su za njega glasala 23 delegata, 13 delegata je bilo protiv a devet delegata je bilo uzdržano.

7. a) Odluka o imenovanju članova u Zajedničku komisiju za usaglašavanje različito izglasanih tekstova zakona u oba doma Parlamenta Federacije Bosne i Hercegovine

Predstavnički dom Parlamenta Federacije Bosne i Hercegovine je na 4. vanrednoj sjednici, održanoj 30. marta 2007. godine, donio Odluku o izboru članova u Zajedničku komisiju za usaglašavanje različito izglasanih tekstova zakona u oba doma Parlamenta Federacije Bosne i Hercegovine.

U Komisiju iz Predstavničkog doma imenovani su: Fehim Pleh, Omer Vatrić, Mato Franjičević, Nermin Nikšić i Slavica Josipović.

Predsjedavajući je obavijestio delegate da Kolegij Doma naroda predlaže da u Zajedničku komisiju, ispred Doma naroda, bude imenovano šest delegata.

Igor Rajner je predložio da se i iz reda ostalih izabere jedan član u Zajedničku komisiju.

Predsjedavajući je potom pročitao imena predloženih delegata iz Doma naroda za članove u Zajedničku komisiju oba doma i dao ga na glasanje.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, jednoglasno, donio Odluku o imenovanju članova u Zajedničku komisiju za usaglašavanje različito izglasanih tekstova zakona u oba doma Parlamenta Federacije Bosne i Hercegovine kojom su iz Doma naroda izabrani: **Radoje Vidović, Željko Asić, Jasenko Tufekčić, Sead Čaušević, Svetozar Pudarić, Bojan Bošnjak i Emir Frašto.**

b) Prijedlog Odluke o izboru članova u Zajedničku komisiju oba doma Parlamenta Federacije Bosne i Hercegovine za provedbu cjelokupne procedure izbora likovnog rješenja obilježja-znamenja Federacije Bosne i Hercegovine

Predstavnički dom Parlamenta Federacije Bosne i Hercegovine je na nastavku 4. sjednice, održane 11. septembra 2007. godine, donio Odluku o izboru članova u Zajedničku komisiju oba doma Parlamenta Federacije Bosne i Hercegovine za provedbu cjelokupne procedure izbora likovnog rješenja obilježja-znamenja Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, jednoglasno, donio Odluku o izboru članova u Zajedničku komisiju oba doma Parlamenta Federacije Bosne i Hercegovine za provedbu cjelokupne procedure izbora likovnog rješenja obilježja-znamenja Federacije Bosne i Hercegovine, tako što su izabrani:

Iz Predstavničkog doma Parlamenta Federacije Bosne i Hercegovine:

1. **Ismet Osmanović**
2. **Irfan Ajanović**
3. **Džemail Silajdžić**
4. **Sabrija Pojskić**
5. **Mato Franjičević**
6. **Marko Vujević**
7. **Vesna Saradžić**

Iz Doma naroda Parlamenta Federacije Bosne i Hercegovine:

1. **Jasenko Tufekčić**
2. **Besim Imamović**
3. **Anđelko Mikulić**
4. **Josip Perić**
5. **Svetozar Pudarić**
6. **Slobodan Zivlak**
7. **Edina Papo**

Predstavnici Vlade Federacije Bosne i Hercegovine:

1. **Feliks Vidović**
2. **Edin Mušić**
3. **Željko Silađi**
4. **Džemaludin Mutapčić**
5. **Đorđe Mišeljić**

Iz reda stručnih, naučnih, kulturnih i javnih radnika:

1. **Enver Imamović**
2. **Nikola Lovrinović**
3. **Radoslav Tadić**
4. **Atif Dudaković**
5. **Stjepan Skoko**
6. **Tvrtko Kulenović**

8. Izvještaj o radu Agencije za bankarstvo Federacije Bosne i Hercegovine i Informacija o bankarskom sistemu Federacije Bosne i Hercegovine (stanje 31.12. 2006. godine)

Agencija za bankarstvo Federacije Bosne i Hercegovine dostavila je Parlamentu Federacije Bosne i Hercegovine Izvještaj o svom radu, sa Informacijom o bankarskom sistemu Federacije Bosne i Hercegovine.

Predstavnički dom Parlamenta Federacije Bosne i Hercegovine je na 3. sjednici, održanoj 04. jula 2007. godine, prihvatio Izvještaj o radu Agencije za bankarstvo Federacije Bosne i Hercegovine i Informaciju o bankarskom sistemu Federacije Bosne i Hercegovine (stanje 31.12.2006. godine) sa Zaključkom.

Izvještaj su razmatrala nadležna radna tijela i dostavila svoje izvještaje.

U raspravi je učestvovao Mislav Sučić.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom za i uz jedan glas protiv, usvojio sljedeći:

ZAKLJUČAK

Doma naroda Parlamenta Federacije Bosne i Hercegovine prihvata Izvještaj o radu Agencije za bankarstvo Federacije Bosne i Hercegovine i Informaciju o bankarskom sistemu Federacije Bosne i Hercegovine (stanje 31.12. 2006. godine).

10. Prijedlog Odluke o prestanku mandata delegatu u Domu naroda Parlamenta Federacije Bosne i Hercegovine

Mandatno-imunitetska Komisija je pripremila Prijedlog Odluke o prestanku mandata **Mirku Pejanoviću**, delegatu u Domu naroda Parlamenta Federacije Bosne i Hercegovine, zbog prelaska na novu dužnost.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 42 glasa za, donio Odluku o prestanku mandata **Mirku Pejanoviću**, delegatu u Domu naroda Parlamenta Federacije Bosne i Hercegovine.

* * *

Sjednica je završena u 17. 59.

Magnetofonski snimak sjednice i prijepis snimka sjednice čine sastavni dio Zapisnika.

SEKRETAR

Izmir Hadžić

PREDSJEDAVALAČI

Stjepan Krešić